

Skýrsla til Landssambands hestamanna frá æskulýðsfulltrúa Léttis Akureyri.

Hér verður minnst á það helsta í barna og unglingastarfi hestamannafélagsins Léttis árið 2005.

Um miðjan janúar hélt unglingaráð Léttis kynningarfund fyrir Léttisbörn og forráðamenn þeirra. Starfssemi vetrarins var kynnt og einnig var mætt á fundinn Sandra Marín reiðkennari frá Hólum sem ráðin var til þess að þjálfar ungmennin síðastliðinn vetur. Reiðnámskeið Söndru var haldið fyrir börn, unglinga og ungmenni og hófst um mánaðarmótin janúar febrúar hjá eldri börnum, en í mars hjá yngstu börnunum 5-8 ára. Þátttaka var mjög góð en um 40 börn skráðu sig á námskeiðið sem stóð fram í maí. Reiðtímarnir voru einu sinni í viku á sunnudögum, auk þess voru bóklegir tímar líka einu sinni í mánuði á miðvikudögum. Kennt var í Breiðholtshverfinu í reiðgerði og á hringvelli sem eru bæði við Skeifuna, félagsheimili Léttis. Einu sinni var farið að Björgum í Hörgárdal (ca 10 km frá Akureyri) og var þar haldið námskeið innan dyra í reiðskemmu. Það var mjög skemmtileg tilbreyting.

Haldið var Pizzukvöld þar sem reiðkennarar mættu með videóspólu Eyjólfssonar Kristjánssonar Allir fóru saddir og ánægðir heim.

Einu sinni var haldið Bingó með fjölda glæsilegra vinninga.

Videókvöld var haldið í Skeifunni með spólu frá Æskulýðsdögum í reiðhöllinni í Reykjavík. Það voru samt foreldrar sem horfðu meira á en börnin því þau fóru út á lóð félagsheimilisins í fótbolta, strákar á mótum stelpum.

Börn og unglingar frá Freyfara af Héraði komu í stutta heimsókn til okkar. Við buðum upp á Pizzur og allir fóru svo á Stjörnutölt í Skautahöllinni.

Mánaðarlega var farið í reiðtúr þar sem allir voru saman ungir sem aldnir og á eftir voru veitingar í Skeifunni.

Laugardaginn 14. maí hélt Unglingaráð Léttis í samvinnu við mótanefnd veglegt mót sem við létum heita “opna Goðamótið”. Þetta mót var eingöngu fyrir börn og unglinga. Norðlenska gaf öll verðlaunin á mótinu sem voru mjög glæsilegir, bikarar fyrir 5 efstu sætin í hverjum flokki. Einnig gaf Dýraspítalinn í Lögmannshlíð farandbikar til minningar um gæðinginn Þyt frá Krossum. Þytsbikarinn er veittur fyrir þrúðmannlega framkomu og stundvísi keppanda.

Á þessu móti var keppt í Tölti og Fjörgangi barna og unglinga, einnig í pollaflokkum og var þar frjálst reið. Þátttaka var mjög góð 47 skráningar voru á Opna Goðamótinu. Mótið var afar vel heppnað og verður vafalaust reynt að gera það að árvissum viðburði.

Einn unglingur fór frá Létti á Youth Camp og styrkti Léttir þá ferð að hluta til.

Ekki hefur verið skipulögð dagskrá á sumrin, en það hefur verið reynt en ekki gengið sem skyldi. Þó hefur unglingaráð umsjón með unglingahófi þar sem börn og unglingar geta haft hesta sína í hagagöngu endurgjaldslaust. Hestarnir eru hafðir í rafmagnsgirðingu og reglulega stækkað við þá. Þar er mjög góð aðstaða til að ríða út saman og margir notfæra sér þetta góða hólfi.

F.h. Unglingaráðs Léttis
Magnús Árnason